

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

محکمات

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیهیه متعلقدر.

توجیهات

محکمه تمیز باش مدعی عمومی معاونلرندن سعادتلو
احمد عزیز بک افندی حضر تیرینه ترفیعاً رتبه اولی
صنف اولی توجیه بیورلمشدر.

نشان

چوروم سنجانی بدایت محکمه سی مستنطق نشئت
افندی به دردنجی رتبه دن نشان عالی عثمانی احسان
بیورلمشدر.

تبدیلات

مهر و نفقه دن و اموال ایتمادن دولای محکوم
اولان مدیونلر ایفای دیندن امتناع ایلدکلری حالده
اجرا قانونک اوتوز ایکنجی و اوتوز اوچنجی ماده لری
حکمندن مستثنا طوتیه لر رق هر حالده حبس اولنه -
جقلری و اوتوز آلتنجی ماده حکمنجه داینلر طرفندن
انفاق اولنیه جقلری قانون مذکورک اوتوز طقوزنجی
ماده سنه ۲ شعبان سنه ۱۲۹۹ تاریخیه تذیل قلنان
فقره قانونیه اقتضاسندن اولوب خیرات و مبرات
موقوف اموال و نفوددن دولای محکوم اولانلرک ده
مهر و نفقه و اموال ایتماد مدیونلری مثللو بلا نفقه
حبس ایدملری حقه ده مؤخرآ و سالف الذکر اوتوز
طقوزنجی ماده به ذیلاً نشر ایدلمش اولان ۲۹ ربیع
الآخر سنه ۳۰۴ تاریخلی فقره قانونیه ده اموال ایتماده
مدیون اولانلر حقه ده بر کونه صراحت اولماسندن
دولای حاصل اولان ترده محل قالماق اوزره طرف
عالی مشیختنه ایدن کوستریلان لزومه مبنی
مارالیان ۲۹ ربیع الاخر سنه ۳۰۴ تاریخلی فقره
قانونیه برنجی فقره نک متممی اولسیله ایکنجی فقره ده
اموال ایتماک تذکار اولنماسی برنجی ی فسخ ایده -
میه جکندن اموال ایتمادن مدیون اولانلرک دخی
فقره مذبله مذکوره حکمنه توفیقاً بلا نفقه حبس

ایدملری حقه ده ایفای مقتضاسک نظارته حواله سی
خصوصه شورای دولت و مجلس مخصوص وکلا قراریه
بالاستیدان اراده سنیه جناب خلافتیناهی شرفتعلق
بیورلدیغی و مشیخت مشار الیه ده معلومات اعطا
اولندیغی بیان عالیسیله اجرای ایجابی ۹ ربیع الاول
سنه ۳۲۰ و ۲۰ حریران سنه ۳۱۸ تاریخلی وایکی یوز
اوتوز بر نومرولی تذکره سامیه ده اشعار قلنمش
و کیفیت بالعموم ولایات شاهانه استیناف محکمه سی
مدعی عمومی کلرینه تبلیغ اولمشدر.

محاکمات و مقدمات

وادی سخرور قریه لی بطرس راجینک کیفیت
قتلندن دولای جنایتله اتهام اولنان قریه مذکوره لی
سید احمد و محمد مرداس و عقیل بطراس رحالک اون
بشر و متین قریه لی نعمه آه موسی فضل اللهک اوچ
سنه مدتلره کورکه قونلرینه دائر جبل لبنان استیناف
محکمه سی جزا دائره سندن ویریلان یوز سکسان
نومرولی اعلام محکمه تمیز جزا دائره سنجه تصدیق
ایدلمشدر.

هندی و عبدالصمدک آرپه لرینی اخذ و غضب
ایتملرندن دولای جنایتله اتهام اولنان موصل ولایتیه
تابع لزا که قریه سی اهالیسندن فلاح محمد بن حسین -
الفتاح و حضر بن حضرک اوچر سنه مدتلره کورکه
قونلرینه دائر کرکوک سنجانی بدایت محکمه سی جزا
دائره سندن ویریلان یوز اون طقوز نومرولی اعلام
محکمه تمیز جزا دائره سنجه تصدیق ایدلمشدر.

صادق اغا زاده صدق افندی کوشکندن واسکی
کوی قریه لی زیارت بکجیسی سید احمد بن حسینک
خانه سندن اشیا سرقه ایلدکلری ادعا اولنمندن دولای
جنایتله اتهام اولنان ممدک قریه لی کوسه اوغلی علی
و محمد اوغلی حسینک اوچر سنه مدتلره کورکه
قونلرینه دائر ملاطیه سنجانی بدایت محکمه سی جزا

دائره سندن ویریلان ایکی یوز اوتوز اوچ نومرولی
اعلام محکمه تمیز جزا دائره سنجه تصدیق ایدلمشدر.

جینه قضاسک کینه ولش قریه سی اهالیسندن
قوجه عثمان اوغلی محمدی قتل قصدیه جرح ایلدیکی
ادعا اولنمندن دولای جنایتله اتهام اولنان قریه
مذکوره لی حسین بن حسنک اوچ یق سنه مدتلره کورکه
قونلرینه دائر آیدین سنجانی بدایت محکمه سی جزا
دائره سندن ویریلان یوز اون الی نومرولی اعلام
محکمه تمیز جزا دائره سنجه تصدیق ایدلمشدر.

خرپوتلی اعمی حافظ احمدک دکانی کلیدی آلت
خصوصه ایله آچهرق سرقه تصدی ایتمندن دولای
جنایتله اتهام اولنان کلکیت قضاسک شمشک قریه سی
اهالیسندن کوزل اوغلی اسماعیلک اوچ سنه مدتلره کورکه
قونلرینه دائر ارزنجان سنجانی بدایت محکمه سی جزا
دائره سندن ویریلان درتیوز سکسان اوچ نومرولی
اعلام محکمه تمیز جزا دائره سنجه تصدیق ایدلمشدر.

قوزانه قضاسی بدایت محکمه سی مستنطق سابق
ناسلیچلی حسن بکک خانه سندن اشیا سرقه ایتمندن
دولای جنایتله اتهام اولنان واسیلکی بنت ناقو و اوصونک
اوچ سنه مدتلره کورکه قونلرینه دائر سرفیچه سنجانی
بدایت محکمه سی جزا دائره سندن اعطا قلنان ایکی یوز
سکسان بر نومرولی اعلام محکمه تمیز جزا دائره سنجه
تصدیق ایدلمشدر.

بردیچه قریه لی حیدر بومونک زوجه سی عالمه نک
کیفیت قتلندن دولای جنایتله اتهام اولنان پوقه
قضاسک قیچره قریه سی اهالیسندن کین ولد سیمونک
اون بش سنه مدتلره کورکه قونلرینه دائر اشقودره
ولای استیناف محکمه سی جزا دائره سندن اعطا قلنان
درت نومرولی اعلام محکمه تمیز جزا دائره سنجه
تصدیق ایدلمشدر.

هندوس قریه سندن چرکس موسی بن جازوقی قتل ایتسندن دولای جنایتله اتهام اولان قریه مذکورلی علی بن ادربسک اون بش سنه مدته کورکه قولسنه داتر سیروز سنجانی بدایت محکمه سی جزا داتره سندن اعطا قلان بخش اوج نومرولی اعلام محکمه تمیز جزا داتره سنج تصدیق ایدلمشدر.

اچیه حصار قضاسک بورزن قریه سی اهالیسندن محرم نعمانک کیفیت قتلندن دولای جنایتله اتهام اولان قریه مذکورلی ابراهیم بن علی فروقک اون بش سنه مدته کورکه قولسنه داتر اشقودره ولایتی استیناف محکمه سی جزا داتره سندن ایکنجی دفعه اوله رق اعطا قلان اون سکز نومرولی اعلام محکمه تمیز جزا داتره سنج تصدیق ایدلمشدر.

آرپه جی اوغلی حافظ قاتلی شاطر اوغلی مصطفایه معاونت ایلدی ادا اولمسنن دولای جنایتله اتهام اولان حاجی احمدک اوج سنه مدته کورکه قولسنه داتر قیصریه سنجانی بدایت محکمه سی جزا داتره سندن وریلان قرق درت نومرولی اعلام محکمه تمیز جزا داتره سنج تصدیق ایدلمشدر.

دارنده قضاسک کرمند قریه سندن ابوج اوغلی حسنک اشیا سیله نفوذنی جبر و شدت اجرا ایدرک اخذ ایتلرندن دولای جنایتله اتهام اولان مهتدی طاهر بن عبده وقره اوغلی میقائیل ولد طروسک التیشیر سنه مدته کورکه قوللرله داتر سیواس ولایتی استیناف محکمه سی جزا داتره سندن وریلان یوز اون ایک نومرولی اعلام محکمه تمیز جزا داتره سنج تصدیق اولمشدر.

۹۵ نومرولی نسخه ده مندرج بولنان در سعادت جنایت محکمه سی اعلامنک مابعدی :

مدعی عمومیک طرفندن بالاعطا قرائت ایتدیریلان شهود بوصوله سنده اسعاری محرراولوب دعوت واقعیه اتباعاً ورود ایتدیکری خبر وریلان قاسم باشاده بدرالدین محله سنده حوض آرقه سنده ساکن اوزون چارشولی اسماعیل افندیگ زوجیه یکریمی سکز باشنده زهرا خانم بنت جمال وقاسم باشاده حوض آرقه سنده تکیه زقاعده اون آتی نومرولی خانه ده ساکنه بقال الوان آغاک کریمه سی اون درت باشنده رویده خانم وینه قاسم باشاده بدرالدین محله سنده حوض آرقه سنده بش نومرولی خانه ده ساکنه مقتول سعده افندیگ زوجیه سی ناظمه خانم بنت عبده

وینه بدرالدین محله سنده ساکن اوزون چارشوده تسبیحی یکریمی سکز باشنده اسماعیل بن حافظ علی و مزبور رویده نک پدری مذکور خانه ده مقیم قرق اوج باشنده الوان آغا بن عمر یکان یکان حضور محکمه یه چبقارله رق لدی السؤل بولردن زهرا خانم؛ مهتم قدری، خاله سنک قریبک اوغلی رویده دخی مرقوم قدری، خاله زاده سی الوان آفاده مهتم، همشیره زاده سی اولدیغی واسماعیل ایله ناظمه، مرقوم قدری یه قرابت و مناسبتلری بولدیغی سوللرله و ناظمه خانمک اصولی داتره سنده عرضحال اعطاسیله مدعیه شخصیه صفتی اکتساب ایتدیگی آکلاشلغله زهرا رویده خانمک ایله الوان آغا طرفلرندن بیان اولنان قرابت مانع تحلیف کوریه مدیکسندن رویده خانمک ماعداسی اصولی وجهه بعدالتحلیف رویده خانمک اون درت باشنده اولدیغی سوللی جهتیله مزبور به بلا تحلیف منفرداً و مواجهه استماع اولدقلرنده بولردن زهرا خانم، وقعه کونی صاحبین ساعت ایک راده لرنده قاسم باشاده حاجی خسرو محله سنده تیره سنک خانه سنده کیتمکده ایکن مهتم قدرینک قاسم باشادن غلطجهته کیتمکده اولدیغی کوردیکی مضبوط افاده سی وجهه یاد ولدی السؤل اون بش سنه مقدم سعده افندیگ بیوک زوجیه سی املاککی پدرینه صلتش و تکرار آتش اولدیغی ایشیدیکنی و مهتم قدرینک سعده افندی نی جرح ایتدیکنی و مرقومک اوزرنده یحیاق بولندیردیغی کورمیککی ایراد ایلدی.

عندالسؤل مهتم بوشاده نک افاده سنه بر دیه جکی اولدیغی سولیدی.

رویده خانمک افاده سنه نه دیه جکی مهتمدن صور لدقده کندوسی یاره لدکدن صکره رویده نک خانه سنه کیتیبوب کندی خانه سنه کیتدیکنی در میان ایتدی.

ناظمه خانم، وقعه کونی ساعت طقوز راده لرنده زوجی مقتول سعده افندی خانه دن چیقوب قرائتخانه یه کیتدکدن صکره مهتم قدرینک کندولرینک خانه سی قارشوسنده واقرباسندن برینک خانه سی اوکنده ساعت اونبر یخفه قدر طولاشدیغی وساعت اونبر یخق راده لرنده سعده افندیگ کیکده اولدیغی پخیره دن کورده نک زقاق قیوسنی آچق اوزره آشانی ایتدیکی صره ده سعده افندیگک (هایدی چاقبنی عر ضحال ایتده آل) دیدیکنی ایشتمکله هان پخیره به قوشوب

باقیدینده سعده افندی ایله قدرینک یکدیگر یله بوغوشمقده و مهتم قدرینک الدن بولنان سیاه صابلی یحاقله سعده افندی یه اورمقده اولدیغی کورمکله آشانی اینوب زقاق قیوسنی آچدیغی و بو انشاده سعده افندی یوزی اوزری قیو ایشیک اوزرینه دوشدیکنی و املاک مسئله سندن طولانی سعده افندی ایله مهتم قدرینک بیوک والده سی بئنده مازعه اولدیغی اورناخی قاطعه خانمک ایشیدیکنی مضبوط افاده سی وجهه اخبار ولدی الاستیضاح حقنده شهادت ایلدیکی شخص حاضر بولنان مهتم ایدوکنی تذکار ایلدی.

امانت داتره سندن کتوردلش اولان سیاه صابلی یحاق وفس اولا مهتم قدری یه و صکره ناظمه خانه ارئه اوله رق سؤل اولدقده فس و یحاق کندوسنک اولدیغی و ناظمه خانم دخی قدرینک الدن کوردیکی یحاق بو یحاقه بکزه یور ایه ده فس مقیده بولنان فس اولدیغی در میان ایتدیر.

ناظمه خانمک ذات و شهادته نه دیه جکی مهتمدن صورلدقده برکونه اسباب موجب بیان ایتیه رک قبول ایتیه جکی سولیدی.

تسبیحی اسماعیل، سعده افندیگ قتل ایلدیکیکی ضابطه مأمورلرندن ایشیدوب برشیدن معلومانی اولدیغی مضبوط افاده سنه موافق صورته بیان ایتدی.

(مابعدی صکره)

غلطه ده ارقادی زقاعده امور فیکانک خانه سنده سالم پهلوانی جرح و قتل و بربر محمدی ضرب ایلدیکی ادعاسیله مهتم اولان حق ایله مرقوم حقنی یحاقله و قتل قصدیه جرح ایلدیکی ادعاسیله کذلک مهتم بولنان بربر محمد حقارنده اجرا قلان محاکمه علنیه نتیجه سنده مهتم حقیقک سالم پهلوانی یحاقله جرح و قتل و بربر محمدی ضرب ایلدیکی و مرقوم بربر محمد دخی قتل قصدیه و یحاقله مرقوم حقنی جرح ایتدیککی حلاله اسباب مانعه حیلولیه ماده قتل فعله چبقاره مدینق روش افاده لری و شاهدلرک علی الدرجات واقع اولان شهاداتی وراپوز مندرجاتی و دلایل سائر ایله ثابت اولوب ایتیق حقیقک سالم پهلوانی بالتهور قتل ایتدیککی اکلاشیه مدیقندن مرقومک بالمقابله قاتل اولدیغنه و محمدک دخی قتل قصدیه جرح فعلنک فاعلی اولق اوزره مجرمیته و قانون جزانک یوز سکسانجی ماده سنه توفیقاً محمدک بدی سنه مدته کورکه قولسنه و حقیقک دخی قانون مذکورک یوز سکسان طقوز و یوز طقسانجی ماده لرینه توفیقاً اوج سنه مدته حبسنه و بش سنه مدته ضبطه نظارتی آلتده بولندیرلمسنه محکمه جناحیه قرار ویرلمشدر.

اوچوز اون سکز سنه سی نینسانک یدنجی کیجه سی جاده بستانی جوارنده ورزی قول قایغنده قولجی ریزملی عثمان رئیس جرح و قتل ایتدیککی ادعاسیله مهتم اولان ماطلی اسماعیلک اجرا قلان محاکمه سی نتیجه سنده مرقومک عثمان رئیس روولور قورشونیه بالتهور جرح و قتل ایلدیکی شاهدلرک شهاداتی و معاینه راپوزی مندرجاتی و مقتولک قبل الوفات واقع اولان افاده سی و مهتمک اقرار و اعترافاتی و دلایل سائر ایله ثابت اولدیغندن مهتم مرقومک اول وجهه مجرمیته و جزا قانوننامه هایونک یوزیمش دردنجی ماده سنه توفیقاً اون بش سنه مدته کورکه قولسنه محکمه جناحیه قرار ویرلمشدر.

پولیس عبده و حسن افندیله اجرای وظیفه حلاله حقارت ایدن تاغراف مأموری و هی افندیگ بر لیرا جزای نقدی آلتسنه

یونان دولتی تبعه سندن علیکساندیروس ایله زوجیه سنک ناموسنه طوقوردرجه ده سوزسولدیگی اکلاشیلان ارنسود کوبلی عاقو علیکساندیریس افندیگ یکریمی کون حبسنه

میخانه جی بانیک اموال منقوله سنه ایراث خسار ایدن بیکلی طناش ولد یورکینک اوج کون حبسنه سلیمانیه ساکنه فاطمه خانمک طوخنانه لی عبدللهی ضرب ایتدیککی ثابت اولدیغندن مزبور دن بر آلتون آلهرق مضروب اعطاسه

خلاف تنیه حرکتده بولندقلری ثابت اولان فندقلیده ساکن آرابه جی مصطفی و خاصکویده یرمق قیوده ساکن کاغدی داوید ایله داوید ولد یوده و مانطارجی پاریسیدن بشر بشلک جزای نقدی آلتسنه بر بر یانی یه الفاظ تحقیریه یی متضمن ورقه ارسال ایلدیکی تحقیق ایدن ططا اولده مقیمه طلومبه جی قوچونک زوجیه سی قورونیادن بر لیرا جزای نقدی اخذینه

مخالف نظام اوله رق سلاح طاشیدینی ثابت اولان فیروز آغا حاکمده خدمتچی یعقوبدن بش بشلک جزای نقدی آلتسنه صاتیله دیستونی ضرب ایدن دوکمه جی آرتینک بر هفته حبسنه

اجرای وظیفه حلاله پولیس مأموری کامل افندی نی جرح ایلدیکی ثابت اولان طوخنانه ده طلومبه جیق ایدن حبسنک اون اوج آتی حبسنه خاصکوبلی خانمی ضرب ایدن بوغاز ایلچنده امور یونده مقیم استغانونک اون بش کون حبسنه مرانغوز حاجی حسن افندیگ قوندره سی سرق ایدن عملده احد بن محمدک اوج ماه حبسنه و ختام

مدتنده ضبطه جه کفالت آلتنه آلتسنه طوغرامه جی استغانی ضرب ایدن قصاب احمد افندیگ بر هفته حبسنه اجرای مأموریت حلاله پولیس احد افندی نی ضرب ایدن اسکدارده تکیه قیوسنده ساکن چالغی قهرمانک آتی آتی حبسنه قسطنی ضرب ایدن طوخنانه لی اوغنده ساکن حسین بکک او شاخی عابدین اغدن بر مجیدی التونی آلهرق مضروب ویرلمسنه آرتین اغنی ضرب ایدن اسکدارده آرابه میدا ننده دیبجی نیقولا کینک خانه سنده ساکن بدوسک اون بش کون حبسنه

قوزغنجقده ساکن بالقجی ناطان ولد یوردانک میشونی ضرب ایلدیکی ثابت اولدیغندن اون کون حبسنه چینلی مرکزنده مستخدم زانده ماچاوشی حاجی حسن اغاک پولیس عبده افندی نی ضرب و جرح ایلدیکی تحقیق ایتدیککدن ایک آتی حبسنه

اسکدارده اسب بازارنده مقیم بارکیرجی قریانک طاش سرق ایتسندن طولانی اوج آتی حبسنه قاضی قریه سنده ساکن بارکیر سورجیسی ایمان و عبد الصمدک مضارب ایلدیگری اکلاشیدیقندن بوزردن ایمانک اون بش کون و عبد الصمدک بر هفته حبسلرینه

اسماعیلی یحاقله جرح ایدن طاقونیه جی عثمانک یکریمی کون حبسنه و کندوسندن بر مجیدی التونی آلتوب مضروب ویرلمسنه

آرشاقی ضرب ایدن اسکدارده بیک محله ده ساکنه قاش قادیگ بر هفته حبسنه توفیق افندی یه اطاله لسان ایدن اسکدارده دیباغر محله سنده ساکن حسین عثمان اغلردن بارمشر مجیدی التونی جزای نقدی اخذینه

احمد اغایه اطاله لسان ایدن اسکدارده تنبل حاجی محمد محله سنده مقیم قارجی حیدرک اوج کون حبسنه

چوبان مصطفای ضرب ایلدیگری ثابت اولان سقا محمودک بر هفته حبسنه و اسماعیلدن دخی بر مجیدی التونی آلهرق مضروب ویرلمسنه قاسم پاشا اسکله سنده محمدک قهوه خانه سنده بیتوت ایدن رنجیر حسین بن محمدک یوسفک اچقنی سرق ایلدیکی تحقیق ایتدیککدن اوج آتی حبسنه و ختام مدتنده ضبطه جه کفالت رهنه و مسروق یازده نک مدعی یوسفه تسلیمه

یکدیگرکی ضرب ایدن قهوه جی جمال بن محمود ایله کاغذ حلواجیسی خیر الدینک بر هفته حبسلرینه فاتحه ده طلعت بک خاننده ساکن عبده فوزی

افندیگ پولیس محمد علی و مصطفی افندیله اجرای وظیفه حلاله شهرسلاح ایلدیکی ثابت اولدیغندن اتی یحقی آتی حبسنه

باب عالی جاده سنده علی اغاک قهوه خانه سنده مقیم حال علی عثمانک سلایانی ضرب و جرح ایلدیکی ثابت اولدیغندن اون بش کون حبسنه

چقورچشمه ده کراسته جی خانه ده ساکن بربر کاشنی ضرب ایتدیکری ادا قلنان مصطفی ابن بکرایله حسن بن سلیمانک بر هفته حبسلرینه

اوزون چارشوده اجرای تجارت ایدن نوری بن محمدک حریق نوبجیسی حسینی ضرب ایلدیکی ثابت اولدیغندن کندیسندن بر آلتون آلهرق مضروب اعطاسه

مناسترلی علی بن مصطفانک قوجه مصطفی باشالی سید احمدی ضرب و جرح ایلدیکی تحقیق ایتدیککدن اون بش کون حبسنه

داود پاشاده قصاب الیاس محله سنده ساکنه فاطمه خانمک خانه سی طاشلادیجی ثابت اولان بالقجی حسنک اوج کون حبسیله برابر اون بشلک جزای نقدی آلتسنه خدیجه خانمی ضرب ایدن قایقچی احمد اغدن بر آلتون آلهرق مضروب اعطاسه

علی اغایه شهرسلاح ایدن قاضی قریه سنده چارقی محله سنده ساکن صدالنجی اسماعیلک اون کون حبسنه اوشاق سلایانی ضرب ایدن کوز تپه ده ساکن آرابه جی ایشک بر هفته حبسنه

قول طور افاقه قصابلی ایدن دیتربنک محمد شوق افندی نی ضرب و محمد شوق افندیگ دخی مرقومه اطاله لسان ایلدیگری ثابت اولدیغندن دیتربنک بر هفته حبسنه و محمد شوق افندیگ بر لیرا جزای نقدی آلتسنه

حمدی بکک کوشکنه جق دخولی اولدیغی حلاله کیرن بلغوریلده ساکن بصری بکدن اون بشلک جزای نقدی اخذیه اوج کون حبسنه

شعبانی ضرب ایدن قاضی قریه سنده ساکن اونیک افندیگ بر هفته حبسنه

عارفی جرح ایدن اسکدارده آتجی باشی محله سنده ساکن آرابه جی آصفک بر هفته حبسنه

قول طور افاقه ساکن مناو و سسل ایله راشد و مناو طورمش و حسن و بکرک مضارب ایتدیکری ثابت اولدیغندن بر هفته حبسلرینه

قومقبولی بالقجی قازینکک علیکسانی ضرب ایلدیکی ثابت اولدیغندن بر هفته حبسنه

شیشه تاجری نسیم ولد یوده نک قولتوقنی سبطایه اطاله لسان ایلدیکی اکلاشیدیقندن مرقومدن بدم آلتون جزای نقدی آلتسنه

یکدیگری ضرب ایدن سبزه جی کریاقو و کوفه جی سلیمان و محمد و مصطفانک بر هفته حبس لرینه یکدیگری نه اطاله لسان ایتدکری ثابت اولمسندن طولانی قاشچی نوری افندی نیک بش کون حبسنه و مکرم کاتبارندن عزمی افندی دن دخی بر آلتون جزای نقدی آلتسنه

اسکدارده صولاق سنان محله سنده ساکن تیمارچی غالبک نظام الدینه اخافه قصدیه شهر سیر سلاح ایلدیک ثابت اولدیغندن اون بش کون حبسنه خواجه عبده افندی به اطاله لسان ایدن اولیا خواجه محله سنده ساکن اسماعیل وحدتی افندی دن بر آلتون جزای نقدی آلتسنه در سعادت، بک اوغلی واسکدار بدایت محاکمی جزا دائره لرجه قرار ویرلشدر.

مُجَازِمَاتُ اِنْدِیَا هِیَہ

خیاره قضاسی نایب و بدایت محکمه سی رئیس محمد عزت و اعضادن مستنطق راغب افندی لر طرفندن استفانک بدری زایو و خدمتکاری لوسونک کیفیت قتلندن طولانی مظنوناً موقوف اولان لوقه پترونگ لزوم محاکمه سنه کافی دلائل موجود اولدینی حالد به دهنه قارشو خلاف قانون منع محاکمه سنه قرار اعطا و تصدیق ایتدکری یانیه ولایتی استیناف محکمه سی مدعی عمو میلکندن اسرا قلنان اوراق تحقیقه مندرجاتندن اکلاشلدیغنه منبی خصوص مذکورده علاقه دار اولان مستنطق معاونی پرورد و موس افندی ایله سائر لری حقارنده ده تعقیبات قانونیه ایفا اولمق اوزره رئیس و مستنطق مومی الیه مانک محاکمه آلتنه آلتیرینه مأذونیت و یریه رک مذکور مدعی عمومیلکه تبلیغات لازمه ایفا و نائب مومی الیه محاکمه سی کیفیتندن طرف عالی مشیختپناهی بده معلومات اعطا ایدلشدر.

اِیْلَانَات

ایلمنی تجارت محکمه سنده :

صادقیه خانی التنده بر نومرولی مغازه ده ساکن ایکن ایکنجی محکمه تجارتدن افلاسنه حکم اولنش اولان اجزانا جرلرندن آریستیدی نده لقونک خصوصات افلاسیه سنک رؤیت و آسویه سی ضمانده دعوی وکیللرندن محمود ماهر و بدوساکی جیسوی اوغلی و دیوستی افندی لر اصالة سندیک تعیین قلنمش اولدقلرندن مفلس مرقوم ذمتنده الهجنی اولنلرک قانوننامه

تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی بر کون ظرفنده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی اوچیز اون سکر سنه سی ایلونک اون سکر نجی چهارشنبه واون طقوزنجی پنجشنبه ویکرمی برنجی جمعه ایتسی کونلرنده ایکنجی محکمه تجارتک افلاس اوطنه سنه کله رک سندیک افندی لر مواجهه سنده الهجقلری اثبات وقید و تصدیق ایتدیرملری ومدت مذکورده اثبات وجود ایدهمیان الهجقلور حقدده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور.

اعلامات شرعی اجرا دائره سنده :

شریفه خانمک تضادتن محمد اشرف افندی ذمتنده چوجق نفقه سنندن متراکم بااعلام شرعی الاجنی اولان مبالغ معلومه نیک تأمین استیفاسی ضمانده مدیون مومی الیه ک عهده سنده اولوب محجوز و بک اوغلی بدایت محکمه سی برنجی حقوق دائره سی اعلامیه فروختی محکوم بولنان فری قرینه سنده اشرف افندی زقاغنده واقع یتش طقوز نومرو ایله مرقم عتیق الی ذراع عرضنده و اوتوز ذراع طولنده برقطعه عرضنک لدی المزایده بیسک الی یوز غروش بدل ایله طالی اوزرنده تقرر ایتش اولدیغندن یوزده بش ضمیله بوندن زیاده طالب اولنلرک اشبو تاریخ اعلاندن اعتباراً اوتوز بر کون ظرفنده در سعادت اعلامات شرعیه اجرا دائره سنه مراجعت ایللری و ختام مدته تقرر ایدده جک بدل ایله طالنه معامله فراغیه سی اجرا اولنه جنی اعلان اولنور.

امکدار بدایت محکمه سی اجرا دائره سنده :

عایشه خانمک شریفه فاطمه زهرا خانم ذمتنده بک اوغلی بدایت محکمه سی اعلامیه الهجنی بولنان مبالغک تأمین استیفاسی ضمانده اصولاً حیز اولنان اسکدارده عراقیه جی حاجی محمد محله سنده طویطاشی جاده سنده بر طرفی ناجیه خانم باغچه سی و بر طرفی مرحوم احمد پاشا ورته سی باغچه سیله بهاء الدین و حسین بکرم منزل و باغچه سی و بر طرفی رضا بک منزل و باغچه سی و طرف رابعی طویطاشی جاده سیله محدود و دروننده طاش ایله اورولش بر بوستان قیوسی ایله محل آخره جریان ایدن برده صوملانی واشجار منمره و غیر منمره بی حاوی (۹۵) نومرولی مزبوره فاطمه خانمک والده سی متوفاه قرخانمندن عهده سنه انتقال ایدده جک تخمیناً ایکی بیک درتیوز ذراع اوچ ربع حصه شایعه

سندن بر ربع حصه سی الی یوز ذراعندن عبارت عرصه سنک تاریخ اعلاندن اعتباراً اون بش کون صکره بالمزایده فروخته مبادرت اولنه جنی اسکدار بدایت محکمه سی اجرا دائره سنندن اعلان اولنور.



طربزوره ولایتی مرکز تجارت محکمه سنده

فرانسه دولتی تبعه سنندن و تجارتدن در سعادتده مقیم موسیو مارقوریقونک دولت علیه تبعه سنندن و طربزون اهالیسنندن اولوب الیوم اقامتکاهی مجهول بولنان کریان سیمون اغا علیه اقامه ایلدیک تصدیق حیز دعواسنه دائر محاکمه لری اجرا قلنمق اوزره اولباده تنظیم قلنان دعوتیه ورقه سی محکمه دیوانخانه سنه تعلیق اولدیغندن موجبجه اشبو تاریخ اعلاندن اعتباراً طقسنان بر کون ظرفنده مرقوم سیمون اغاک محکمه به کله رک اثبات وجود ایتدیک ویا طرفندن مصدق بر وکیل کوندرمدیک تقدیرده اصول محاکمه تجارت نظامنامه سنک التمش یدنجی ماده سی موجبجه مدعینک طلبی اوزرینه محاکمه غیاسبیه اجرا قلنه جفندن اصول مذکورک یکرمنجی ماده سنک فقره رابعه سی حکمنه توفیقاً کیفیت برای معلومات اعلان قلنور.

فرانسه دولتی تبعه سنندن موسیو مارقوریقونک تبعه دولتیله دن کریان سیمون ایله وفات ایدن برادری یرواند ذمتلرنده اولان آله جفنگک مع فائض تأمین استیفاسی ضمانده مرقومانک طربزوننده اسکندر پاشا محله سنده واقع معلوم الحدود خانه ده مالک اولد قلمری و آلتی یوز الی لیرا دینلری مقابلنده مادام هوشتراسره مرهون بولنان حصه لری داین مومی الیه ک وکیل اورفانیدی افندی طرفندن قبل الحکم حیز ایدلش ایسه ده اولباده کی حیز قرارینک کندی نفسنه اصالة و برادری یروانده وراثه مدعی علیه بولنان مرقوم سیمونک اقامتکاهی هر تقدیر اقا ترینودار شهری بولنسنندن طولانی لاجل التبلیغ برقطعه صورتی شهر مذکوره کوندرلش اولدینی حالد مرقومک قطعاً اوراده بولنمدینی باطوم باش شهنشدرلکی جانبندن بیلدرلش اولسنه وشو حالد مرقومک معلوم بر اقامتکاهی اولمدینی آکلاشلمسنه بناء اصول محاکمه تجارت نظامنامه سنک یکرمنجی ماده سنک فقره رابعه سنه توفیقاً قرار مذکورک برقطعه نسخیه سی محکمه دیوانخانه سنه تعلیق اولدیغنی اعلان اولنور.